

永平府志

卷之十四
六

永平府志卷五十三

列傳五

名宦五

國朝

張祺奉天蓋州舉人崇正十五年任遷安知縣時值流寇之亂設法守禦民賴以安順治二年升刑部主事轉山東兵備道副使

李丕著號愚公山西曲沃人進士順治元年任永平道當定鼎之初郡邑無專官公措置經理城市始治有法乘亂爲盜者許其投首自新招撫流離民得復業又請設寓學綏恤遠士立月課以示鼓舞凡有不便

永平府志

卷五十三

名宦五

一

於地方者不待陳控卽革除之士民感其鎮定安輯功肖像立祠於南山之巔

馮如京山西太原鎮武衛人恩貢順治元年值開國之初以本府同知擢用知府彈壓變亂招集流離申請創立寓學以恤遠士革除明季陋規以撫瘡痍六屬欽服士民愛戴其任灤也常革老人應驛之苦立法攢槽至今賴之尋陞榆林道副使歷廣東江南左右布政

侯一匡山西人生員順治元年任撫甯時當鼎革流寇過境人心悚懼公素悉賊淫掠狀咸令婦女避暑中

關城賴以保全適我 大兵入關紳衿耆老遮道保
留 命賜冠帶公由此益自奮勵嚴守禦撫彫殘
減役均徭刑清政簡惜以樸直忤當事卒於官

李日芄字培原滿洲人生員順治二年任永平知府懲
投充革濫派吏不能爲奸尋陞霸州道副使歷官操
江都御史

鄭伸字行臺奉天錦州人順治二年任灤州知州推誠
待物一介不取時奉部圈田力護近城園舍晉大同
僉事歿祀名宦

張毓中字去偏號泊水山西陽城人舉人順治二年任

永平府志

卷五十二

名宦五

一一

撫甯知縣邑當明末差繁徭重及包賠坍塌地畝錢
糧爲民大累公下車清查逋數概請捐除流亡復業
甫七月擢刑部主事百姓如失父母歷官陝西鳳翔
知府

李中梧號燦宇滿洲人順治三年任永平知府厚重少
文不輕顰笑居官廉明有威不避豪右有以鋤刃斃
人久未成獄公命以穀草炙鋤血跡儼然乃脫無辜
於獄坐實殺人者陞薊州道士民攀轅泣送自永至
薊凡三百餘里絡繹不絕歷湖廣按察司

梁應元字仁吾遼陽人生員順治三年任盧龍知縣當

定鼎之初人心惶惑公慈惠寬仁鞠保備至士民愛戴之學宮傾圮公創造一新尋陞江南池州知府轉天津道

徐逢時字盛寰廣甯衛人生員順治三年

遷志作二年

任遷

安知縣當數十年兵燹之後公恤殘黎緩征呼重學校凡禮士愛民之事無所不至四年陞順德知府邑人感之爲立去思碑

劉應錫遼東人生員順治三年任昌黎知縣當定鼎之初人心惶怯公廉明慈恕加意撫綏人心始定陞大名府知府去之日民送如市

永平府志

卷五十二

名宦五

三

張文欽字君明浙江山陰人順治三年任灤州吏目潔已奉公八載於灤去官日老穉泣送至日夕馬不得行張飲數十里外信宿始克就道自來倅尉所未見者

趙汲字學夫號潤字奉天錦州人貢生順治五年任盧龍知縣沈靜練達廉明仁厚政皆和易近人前令學宮未竣公慨然繼成之時部議召買芻豆赴三屯備行幸羽書旁午民間供應不及公乃給值鋪商以所收米豆雇運不擾民而公事立濟陞江南泰州知州王光晉字康侯奉天遼陽人順治五年由副貢生任灤

州知州明析秋毫簿書票檄不假胥吏之手後以卓異擢姑蘇太守

白芬字猗若河南洛陽人舉人順治八年任戶部分司剛果有爲御下明決嘗自謂云興一利不若除一害甫下車嚴飭創庫有弄法者悉痛治之積弊頓清軍民愜服著四書幹選程墨以教諸生九年移駐薊州而永平餉司自此裁矣

尤侗字展成江南長洲人選貢順治九年任永平推官學職優長治政明決尤優禮學校因材鼓舞人文振興一時稱爲盛事以執法不阿調任去所著有北堂

永平府志

卷五十二

名宦五

四

秋夢西堂雜俎諸集行世

韓望字儼然陝西涇陽人進士順治九年任樂亭知縣吏治敏達剔蠹祛奸一時萑苻不驚強暴斂跡擢戶部福建司主事士民遮留不忍去

譚琳湖廣宗陽人舉人順治十年知撫甯縣下車卽以興文教爲先甄別生童會課書院一切經費俱捐俸爲之邑田化民女許字李得金之子因壻貧悔婚訴於官公爲懲化民給花燭銀命女與李子成婚養濟院口糧奉文裁減指俸照舊發給未幾擢戶部去

王美順天昌平人貢生順治十一年任永平教授識見

超卓安靜有才幹凡軍民以事詰諸生者公收牒斥逐之封牒付本生令其自省時進諸生講論經史獎其所能進其所不及人以方李宗思常濬孫云

李士模字可庵山東高密人進士順治十四年任盧龍知縣才識優長遇事立剖盧邑無專志公留心纂輯以備一邑文獻約束胥吏不假辭色蠹弊悉除陞大理寺評事

宋琬字玉叔山東萊陽人進士順治十四年任永平道慷慨明決遇事立剖一時奸宄斂跡境內肅然增修府學規模壯麗前所未有又按八佾設樂舞生捐修

永平府志

卷五十二

名宦五

五

樂器以光祀典搜揖府志以備百年文獻所著有安雅堂集秦州記異諸書調浙江甯紹台道尋陞浙江廉訪使祀名宦

戴廷對四川中江舉人順治十五年任遷安知縣恤民瘼除役蠹一切供應事措辦有方不擾百姓後陞湖廣知府

葉矯然號思庵福建閩縣人進士順治十五年任樂亭縣性仁恕體恤民隱培養士氣著有龍性堂詩集

石鯨字浪秋一字橫海湖廣武陵人順治戊戌進士官灤州如州以剛直罷著有鷹來草堂詩鈔鯨性奇偉

七歲能詩官灤時嘗條陳灤賦役疾苦上觀察使度支尚書允而未行有辛丑五月放歸留別兼投館閣諸公七言長律五十韻歷敘牧灤及去官之由其略云欲陳馮翊淒涼色不盡舂陵疾苦詞請見三年敲舊貫誰容二月買新絲幾番投匭陳觀察五次封書上度支署考勞心同下下况加強項奉期期行春勸稼公田穀薙夏初芟中谷薙直按主家湯沐邑失權舊邸門闌廝桂枝本粹安容蠹桑椹雖多不醉鴟自刻鉛刀慚錯節毋勞貝錦綴成詩又云生來嘔笑原難偶長脫形骸便數奇身世酒漿餼北斗命宮糠粃

永平府志

卷五十二

名宦五

六

簸南箕又云偶爲明公校馬肆遂傳處士用牛醫故人已被篙師誤太守適爲漁父欺自笑孤臣廿貝齒敢云眾女嫉娥眉過蒙兄弟存班紵妄想君王乞敝帷捷徑山林歸去好愚臣邱壑本來癡嶽寄歷落獨往獨來可想見其爲人

節沅湘耆舊集小傳

劉觀瀾洛陽人順治十五年任山海通判值悍卒狂逞頑民影附撫御勞心卒於官關人爲斂貲歸其喪祀名宦

張國猷密雲人順治十六年由貢生任灤州訓導軒爽喜吟詩工篆隸行草書捐俸倡修學宮及明倫堂皆

堅麗改觀

韓國龍密雲人歲貢康熙元年任山海衛教授修理學宮殫竭心力

武紘周陝西延安歲貢生康熙元年任遷安知縣潔已愛民修學課士泣遷一載以逃人罟誤去官士民惜之

楊鳴湖廣安陸舉人康熙三年任遷安知縣賦性溫厚政尚寬平六年遷地被圈部檄撥任邳地以補之民憚其遠公爲力請於戶部得免後卒於官

戴萬象江西南昌人由吏員康熙三年任盧龍恪守職

永平府志

卷五十二

名宦五

七

司留心捕務不畏強禦歷事明決民賴以安

陳天植永嘉人貢士康熙三年任山海管關通判寬和恬靜事治民安至修邊垣修澄海樓修關志厥功尤偉

閔峻字山紆浙江湖州府烏程縣人拔貢生康熙四年任盧龍土瘠民疲地衝事劇公秉性廉潔悉心撫字勸諭輸將禁止雜耗力行保甲盜息民安編審持公不畏強禦聽訟明決獄無冤滯學宮年久傾圮公捐俸重修治盧五載考績稱最陞兵部職方司

錢世清字生一浙江錢塘人選貢康熙四年任永平道

公甫筮仕卽簪筆直廬周知制度典章沿革要務所
在居官忠寬敏惠廉靜端凝歷有聲譽其僉臬北平
也咨卹民隱崇尚儉約泣任數年舉凡屯田駟牧郵
傳諸大政以迨城郭學校倉廩隄圩罔不具飭一時
屬吏咸稱振刷焉郡丞梁某賠補官糧貧不能償以
鐫級解任尋歿於官公矜恤之代措千五百餘金得
歸其喪其生平盛德類如此周恤貧士鼓舞庶司孳
孳不倦凡祠廟載在祀典有關風化者亟修葺之尋
移住通州道銜加通永自公始辛亥歲

予告養親去之日士民攀轅涕泣如失怙恃議入名宦

永平府志

卷五十二

名宦五

八

祠崇祀

梁泰來字吉人江南壽州人舉人康熙四年任永平同
知學識優長治政簡恕經理糧儲收授惟慎奉批詞
訟公以執法署本府篆推誠待物廉靜自持留心郡
乘延士修補時以厚重長者稱之惜用未竟以鐫級
去

王麟圖保定人康熙四年任灤州學正性謙和急公慕
義繼前任訓導張國猷修葺文廟及兩廡啟聖祠魁
星樓費用不足至出家人簪珥助之

王文衡江南江甯人生員康熙五年任撫甯知縣修學

宮建鼓樓以及甕城城樓牌坊祠廟鳩工庀材皆親
爲綜理不憚其勞民咸德之尋陞鞏昌府同知
李漑之山東長山人蔭生康熙六年任灤州知州鞠盜
得實因忤權貴竟坐誣去民懷之立碑記德
王希彥浙江鄞縣人吏員康熙六年任撫甯典史奉職
惟勤不擅受一詞訟地方供應陋規概行蠲革學憲
蔣公以供職勤劬匪躬夙夜獎之
陳丹字自修江南山陽人舉人康熙七年任永平知府
公文武兼長先以武科起家仕淮安總戎從事凡天
文輿圖靡不精曉值我

朝定鼎率眾歸誠

世祖章皇帝賜以宮媛羅氏公詢其家世知爲士妻遂養
爲己女逾年訪其夫歸之長安士大夫爭爲詩歌以
頌其事尋棄武職入太學應辛卯鄉試與子同登賢
書士論榮之初筮河南鄧州牧及廣西潯州俱稱循
良臬憲三楚好持矜恕以失出左遷永平下車盡撤
地方供應治事精勤嚴絕餽送日用蔬水與寒士無
異未幾卒於官合郡哀之祀名宦

錢裕國字園府順天人舉人康熙七年任山海衛教授
敦厚持躬虛公訓課諸生多受其教益時郡丞壽州

梁公泰來留心郡乘屬公修補以備一郡文獻
蔡興周字姬楨鑲黃旗人貢生康熙八年任永平知府
初令完縣治政有聲行取御史歷參議左遷永平恤
念民艱未入境卽禁止填設以清科派之原敬士愛
民斥強抑悍凡事止署限期不輕差役而案牘從無
稽緩明敏剔弊一時積蠹盡消

羅京字周師浙江會稽人貢生康熙九年任永平同知
歷事勤慎清覈倉糧民間利弊每虛公咨訪有窮民
積逋以鬻女者公廉其實代償之令讀女以歸境內
熒獨時加賑濟代營關篆修舉廢墜愛士恤貧嚴禁

輕生澆俗丕變關民戴之以丁外艱去後陞直隸順
德知府

魏師段字松巖湖廣黃岡人貢生康熙九年任盧龍知
縣履任初革除一切陋弊編審研核均平值

聖駕東巡召見詢以愛民之實奏對稱

旨公勤於政事諸務親裁聽訟虛公恤窮除暴修學宮
及邑治煥然改觀鄰邑有自殫其僕而誣人者承審
官顧其豪勢獄竟成公一訊得情莫不以神明頌之
祀名宦

王永命字九如山西臨汾人舉人康熙九年任遷安知

縣持躬清正治政廉明蒞任初悉革陋規禁除耗羨
凡食物器具俱給時值商民德之學宮傾圮城垣頽
壤相繼修整絕不擾民補葺冷口邊牆十三處均得
完固修輯邑乘以成一方文獻陞行人司行人所著
有六言通訓松韻堂餘筆邊工漫記別黃臺山詩祀
名宦

王曰翼字健齋山西陽城人舉人康熙九年任昌黎知
縣清慎有爲殫心撫字舊有糧羨陋規張示永除以
甦民困學宮頽圯捐俸修葺又繕城修志抑強撫弱
編審公平士民愛戴爲立去思碑

永平府志

卷五十二

名宦五

十一

馮堯天臨城人康熙九年任遷安訓導捐俸修理學宮
崔誼之號老山山東平度州人進士康熙十年任通永
道寬厚宅衷虛公執法念各屬衝繁不輕差役以滋
煩擾餽送悉屏絕之時以廉靜聞

唐敬一字耕留四川成都人舉人康熙十年任永平知
府禁革鋪墊陋習勸民休息詞訟嚴飭吏胥不輕差
役尤雅愛士子多所啟迪壬子夏旱禾漸焦公齋戒
虔禱三致告於守土之神凡五日霖雨大至是年有
秋癸丑郡城西北隅圯於水公捐俸修築以固城墉
前任太平司理銜命招撫安南以軍功擢長安郡丞

繼補臨洮所在頌聲丕作乙卯陞洮岷道副使

夏時美滿名安達里字羨之廣甯人旗籍康熙十年任
山海通判文武兼長時蒙古察哈拉部落謀爲不軌
羣情洶洶公完守備禦關民恃以無恐會屠將軍統
師進勦公督連軍需飛芻輓粟供應無誤絕不派擾
民間其潔已奉公愛民重士善政實多嘗攝郡篆頌
聲丕振以憂去合郡紳衿父老攀轅截鐙關民爲之
勒石建祠庚寅歲郡守張公朝琮詳入名宦

孫宗元字近厚山東淄川人進士康熙十年以同知降
補灤州知州廉靜有爲留心撫字虛公禮士吏民畏

永平府志

卷五十二

名宦五

十一

懷有古良吏風陞廣西思恩府同知

湯旺陝西鞏昌府人由吏目康熙十一年任盧邑巡捕
公愼有爲衙署向稱狹隘公蒞任初卽重修堂宇增
修中門大門正方向擴基址觀瞻以肅而吏民不擾
唐九緯浙江山陰人貢生康熙年間任遷安知縣愛民
禮士不事紛擾自構山亭於黃臺之麓時集士大夫
問民疾苦後以疾卒於官

劉馨字敬庵湖廣沔陽人廕生康熙

縣志作順治

十四年任

撫甯知縣治政淳厚厯事和平捐資創建武廟設立
小學修建書院訓課生童撫字催科悉存寬恕縣志

自萬厯以來缺略未修公留心咨訪纂續刊刻泣任四載諸務畢舉民受安靜之福

萬任字亦尹號靜園江西新建人進士康熙十四年任昌黎知縣學問優裕居官廉明時與宋牧仲施愚山王阮亭諸先生爲詩文交才名丕著而賦性恬退不樂仕進故厯官未久卽歸林下輿論惜之

常文魁字月生正藍旗人貢生康熙十五年任永平知府治政精勤厯事敏練折獄不費繁言兩造俱服向者旗丁與投充肆橫公至咸知守法修理文廟添設石坊石柵悉心經畫於學前購隙地創建書院爲生

永平府志

卷五十二

名宦五

十二

儒會文之所其諸祠廟亦次第修葺又嘗補郡乘冀續宋公琬之後足徵留心文獻之雅意云

陳邦齊字君弼奉天蓋州人廕生康熙十五年任昌黎知縣操持廉介治政仁明向者昌邑錢糧積逋百姓流亡公涖任一切繁擾陋弊不便於民者盡行禁革省刑薄稅民皆復業聽訟虛公案無沈牘百姓以慈父母稱之

馮杰浙江山陰縣人康熙十五年以吏員任盧龍典史勤以供職慎以治政留心訟盜有資佐理咸以能稱十八年以丁艱去

馬如龍字見五陝西綏德州人舉人康熙十六年任灤州知州治政明敏英發有爲除積弊以恤民艱培斯文以振士習聽訟虛公案無留牘留心地方廢墜畢舉士民德之歷官江西巡撫

張一諤字松野浙江山陰人貢士康熙十六年任遷安知縣治政精勤寬仁撫字整新釁序修補城垣旌節孝以維風勤考課以鼓士森革規弊聽訟明允人戴之若父母母遊棍誘賣故民之妻馮氏於旗下者其婦矢志不從控部準贖公憫其節捐資代爲贖回其惠愛及民類如此

永平府志

卷五十二

名宦五

十四

劉孟易宛平例貢康熙十七年任遷安教諭博通經史訓誡嚴明升知縣

朱持正字元定順天大興人由歲貢於康熙十七年任盧龍教諭勤以供職贊理修學宮及督修奎樓俱先勞無倦詳請課士多所成就

辛進修新安人拔貢生康熙十七年任撫甯教諭律身以正飭士惟謹捐貲倡修明倫堂學使吳公以品學端雅辦事克勤獎之

衛立鼎字慎之山西陽城人舉人康熙十九年任盧龍知縣廉勤清慎治先教化修補邑乘薄斂省刑境內

搭橋秫稽向爲民累公給時價採買以清夙弊盧龍
滿漢雜處多逋逃盜賊難治自公爲令以廉能聞於
四方境內大治時于清端公撫畿輔舉循良數人公
與焉

上遣刑部尚書魏象樞巡察畿內至盧龍治具不爲食
啜茶一甌曰令飲盧龍一杯水耳吾亦飲令一杯水
諸大獄悉以咨之公引經準津魏公益大稱善公因
言愚民無知宜哀矜勿喜魏公嘉納之格文清公爲
直隸巡撫以事迂道至其縣中迎謂曰令之苦無異
秀才時然作秀才自苦耳今令苦而百姓樂不猶愈

永平府志

卷五十二

名宦五

十五

平疏薦盧龍令循良第一靈壽陸公隴其次之

趙端字又呂浙江錢塘人貢生康熙十九年任撫甯知
縣慈惠明敏釐剔奸弊民畏而愛之尤留心學校獎
勵生童設鄉塾置學田立義冢又於城北設冰窖以
供 部例免山海運駝之累境內晏然不愧民牧

王震芳浙江會稽人吏員康熙十九年任撫甯典史供
職謹恪督率巡捕境內肅然

金星瑞浙江仁和人監生康熙二十一年任樂亭知縣
慈愛羣黎隆禮學校修文廟崇祭典備樂器水衝城
垣頽圯過半設法修築絕不派累民間接物和平而

執法必嚴強暴胥爲斂跡陞雲南師宗州知州

胡文蔚字豹貞順天通州人歲貢康熙二十一年任撫甯教諭才華敏達培植斯文值歲試時有庠生爲兵弁所辱公侃侃主持士氣賴之以振至今頌之陞江西安義縣知縣

陸懋字林士浙江平湖人副榜康熙二十五年任盧龍知縣廉明剛正不畏權勢時有旗員假公以擾地方者公執法嚴懲民獲安堵春郊勸農親愛如家人以直忤上官去任一肩行李惟來時竹筩傘履而已老幼焚香泣送境外

永平府志

卷五十二

名宦五

十六

陳夢熊字渭公號耐庵山東濰縣人拔貢生康熙二十七年任盧龍公賦性耿介泣事詳慎凡地方興除大事慷慨果決咸愜人心尤善決獄片言之下兩造俱服舊例編審增丁索費紛紛守候悞農病民公預定某社某日止令戶首呈單足額者免候一應需索積弊頓除民感悅歡呼鐫石頌之

梁世勳號鶴汀陝西安塞人廕生康熙二十九年任永平知府立心寬厚冰蘖自矢三十六年郡西北城堤被水衝塌經營修築水患以紓煮粥賑饑必親嘗寒熱捕蝗祈雨不憚勤勞然執法森嚴毫無寬假以故

士樂民安豪強斂跡陞兩淮鹽法道尋轉直隸巡道
陞山東藩臬廣西安徽巡撫

彭爾年字永公奉天杏山人監生康熙三十二年任永
平同知時與郡守梁公世勳協恭議修文廟並城垣
堤岸贊助經營多公之力承審部案存心矜恤鐸無
辜牽累者數十人丙子奉天饑

上命截留漕米三十萬石由海運供賑濟公領運前赴
復州舟至大洋颶風幾覆公焚香籲天風頓息咸謂
其忠誠所格克奏厥功生平廉介自持清操丕著軫
恤窮黎時施惠政無何因公鑄級補任雲南姚州遷

永平府志

卷五十二

名宦五

十七

陝西西安郡丞

周埰號雪堂三韓人官監生康熙三十三年任樂亭知
縣邑舊苦雜徵一切革去之歡聲遍野折獄矜慎兩
造無不得意而去

杜維楨通州例貢康熙三十三年任遷安教諭論文課
士有鷺湖鹿洞之風

董隆祚奉天遼陽人官監生康熙三十五年署樂亭篆
有惠政民爲勒碑

韓逢庥字悅宜山東青城人貢生康熙三十七年任灤
州知州廉明正直愛民如子灤俗抗糧刁訟爲藏盜

藪公徵比不許旗豪劣衿抱攬賞完罰欠眾心悅服
不輕差役詞訟據理立剖刁風頓改又訪拿旗棍窩
詐等事雷厲風行年餘盜息民安境內大治未幾以
才能調定州牧士民遮道泣送立碑紀德

湯彝字篆辛浙江仁和人監生康熙三十八年任樂亭
知縣臨民以寬待士以禮以才能擢永定州同知

蔡維寅字典三號廣庵浙江德清人進士康熙四十年
任永平知府公早失怙事母至孝爲政首崇學校朔
望聚諸生於明倫堂講論經書分別獎勵郡有義學
名存課荒公加意作興慎擇塾師清查舊義學田畝

永平府志

卷五十二

名宦五

十八

並設法添置膳田義學生童至今懷之

華黃號中湄江南無錫人進士康熙四十三年任永平
知府介節自持惠愛百姓其理訟片言平反人心悅
服凡久稽部任到案立剖同城官以事干瀆公端坐
假寐唯唯以應及審不爲稍假彼復來語曰因在夢
中醒則忘耳其不惡而嚴類如此乙酉歲值賓興公
加意振興是歲獲雋者多人自此永屬絃誦之風較
昔浸盛以老乞休去士民爲立去思碑

晏賓字鹿庵貴州平遠州人舉人康熙四十四年任盧
龍知縣天性仁厚立品端方尚德緩刑愛民重士於

聽訟催科常存矜恤惟以天理良心四字諄諭而感動之以故俗鮮刁訟亦無逋課每冬徵收倉糧隨到隨收有升斗不足者憐其天寒路遠概免補償歡聲載道乙丑水圯學宮設法修葺編審戶口旌舉節烈皆實心研核公當精詳嘗攝遷篆兩邑差務冗劇公從容肆應措埋咸宜自奉不改儒素各上憲有第一清官之譽以憂去士民無計挽留歌謠成集以頌其德

白爲璣字子儀鑲白旗人監生初筮東光令賢績懋著巡撫李公以大城西隄緊要題授河閒府丞保飭河

永平府志

卷五十二

名宦五

十九

防克見成效遷永平守四十五年遷通永道副使存心仁恕周恤民瘼凡遇地方水旱蝗蝻沐雨披星不憚寒暑竭力經理數年來畿東無災侵之告實公之力也公事調委屬員溫詞慰勞往往捐俸資給下皆感德而忘其勞所屬吏治民生咸向化蒙休云祀名宦

張德祁號聿修山西澤州人舉人康熙四十五年任樂亭知縣才幹明敏遇事果敢時邑被旗圈民無恆產公籌畫得宜民困以蘇御下嚴而不苛寬猛務得其平在任十年以疾卒於官民爲勒碑以誌遺愛

宋琰字德培順天大興人歲貢康熙四十六年任撫甯教諭端方自飭廉靜有守署理邑篆有海洋社烈女郭三姐拒姦慘斃兇犯遁跡公摘發如神按律伏辜萬民稱快以憂去士民泣送至今感頌不置

三泰滿洲人康熙四十六年七月由太常寺讀祝官爲山海關監督在任三年百廢俱舉初康熙三十三年復設山海鈔關惟西至羅紋峪東至清河門諸邊口有額稅關東沿海諸口皆其處地方官自行收稅歸入私橐百般需索商船苦之泰查知其弊上其事於朝四十六年十一月增設錦州中後所牛莊蓋州金

州各海口各處守尉因不使其私百計阻撓明年九月具摺特參

欽差吏部侍郎杜確覈覆奏置諸守尉於罪海口之議乃定泰親相地勢設立稅局並細覈事宜暨胥吏蠹弊詳立章程以垂永久 國課歲增十餘萬海南北數省商民咸享其利皆泰之力也去後人思慕之立碑享祀焉

吳肇煌江南武進籍長洲人康熙五十四年任灤州在官七載囊橐蕭然己亥兼署樂亭值大水倉穀霉變公不忍擾民卒以賠累去官越九十餘年公曾孫士

鴻復牧灤州人以爲食舊德云

盧見曾字抱孫號雅雨山東德州人工詩文性度高廓不拘小節形貌矮瘦時人謂之矮盧康熙辛丑進士初任洪邑歷官至兩淮轉運使陞吏議戍臺再起任邯鄲補灤州牧創修海陽書院尋遷永平守時永平文風不振公於明武學舊基創修敬勝書院命名之義蓋取丹書敬勝怠語以東鄰太公廟也設立學規增置膏火至今書院尙設主祀之後司鹺長蘆再調揚州以年老休致歸里著有雅雨集平山堂集出塞集邯鄲集北平集海門集平山堂後集里門感舊集

永平府志

卷五十二

名宦五

二十一

盧公政蹟惟創修書院它俱無考此傳蓋取山左詩鈔揚州畫舫錄而成之者也

鷗陽超湖廣鍾祥人康熙中官遷安典史遇事敢爲時冷口漆設旗員應用民房奉委查辦官民相安捕盜懲奸拮据殫職亦鐵中之錚錚者

馬負圖故城人康熙閒任遷安訓導訓士務實捐俸助貧未半載卒於官貧不能殮邑令王永命與多士助資送歸

沈繼賢浙江海甯人進士雍正元年任樂亭知縣先是邑中地畝咸被旗圈凡撥補在外縣者多遭隱佔公爲釐正且禁旗人壓租奪佃民困以蘇至修學校以

造士除官價以安商善政甚多當時有眞民父母之稱

程大禧字帖懷福建莆田人監生宋儒伊川先生之二十四代孫雍正四年任撫甯知縣懲惡安良興利除弊凡墜子奏銷大計編審廟戲進黎等雜派當商燒鍋等陋規俱痛革之其接紳士也以謙而不可干以私其待差役也以慈而不敢玩其法先是撫邑地畝銀花戶父給催頭每畝約時錢六七百或八九百

制錢十六文爲一百

公每戶給發易知單將正秬開明每畝用

銀六分合時錢三百六十按限自封投櫃每歲所省

永平府志

卷五十二

名宦五

二十一

不下萬金詳請勒石以垂久遠城西洋河杠梁之費派於里下不勝其擾公自爲葺修之又驛站工料向俱九三扣除公則按實給發從先派單之害以除其廉明剛斷類如是涖任甫一載竟以奏銷遲延呈吏議而去士民至今思之

劉玉林貴州大定州人監生雍正四年任昌黎知縣振興文治修葺學宮訟無留獄剖斷如神在任六載始終無倦歿之日士民如失怙恃

裘君弢字約斯號退庵江西新建人進士雍正五年任撫甯知縣公爲人瀟灑不羈之官時顯達有以書附

寄上官者公途中得詩乏紙遂書於函面然竟以此
受知在任五載廉潔自持守前任程公遺規絲毫不
以累民嘗冬月裘表敝無紓乃以紗爲之致仕家居
四壁蕭然

張奎祥湖南拔貢生雍正六年任遷安知縣精明果決
善斷疑獄歷升至河南開歸陳許督糧道

萬承岑江西南昌縣人進士雍正年以庶吉士改授廬
龍知縣抵任後潔清自勵釐弊安民以振興文教爲
己任捐資立義學敦請名師兼爲捐給薪水俾有志
之士各有造就又奉行保甲嚴稽盜賊征收錢糧力

永平府志

卷五十二

名宦五

二十三

除耗羨邑民歌盛德焉

施世洪浙江秀水人雍正十三年任樂亭知縣居心慈
藹案牘詳明惜未終其任以疾告歸

王允徵保定歲貢乾隆二年任遷安訓導丰裁凝重學
問淹通士林咸親炙焉

端木長宏江南江甯監生乾隆七年任遷安知縣慈善
勤敏作養人才撫恤窮民詞訟不擾

錢鋆字檢亭江蘇常熟人舉人乾隆九年四月任撫甯
令下車卽以課士爲首務時值洋河水道東徙亟謀
捍築越二年河再東徙力請上官委員勘護栽柳於

沿隄縣城恃以無患並建修明倫堂捐置驪城書院
膏火至今賴之

屈成霖江南常熟縣人進士乾隆年任盧龍知縣捐俸
立義學延師訓讀並爲捐備膏火每月傳集生儒時
加考課文教振興又首倡捐資修理 文廟改學宮
巒序煥然灤青二河橋梁向由社甲攤派霖獨力捐
修邑民稱便

吳世臣福建浦城縣人監生乾隆十四年任昌黎知縣
吏治精詳寬嚴相濟雖廉靜無華而綱紀整飭籌留
養嚴夜禁久道化成幾於夜不閉戶

永平府志

卷五十二

名宦五

二十四

陳金駿字學坡福建晉江舉人乾隆十四年由卓異陞
任樂亭縣下車殫心民事凡修文廟建義學置學田
通溝洫設義冢諸善政次第修舉縣志爲明季所修
相距百餘年公踵而增之徵文考獻使後世有所取
材功甚鉅也調任盧龍尋復本任

袁芳杏字魯齋江西宜春人舉人乾隆十四年任撫甯
知縣修舉百廢尤留意於學宮擇形便爲拓其基更
爽塏以啟其宇於扶翼文運爲有功

鍾和梅海昌人進士乾隆十七年知臨榆縣事留心政
務百廢俱舉縣舊有養濟院額設孤貧十名和梅慮

其惠之難徧也因設留養局三所一在范家店關帝廟一在深河娘娘廟一在本城西關玉皇廟嗣因玉皇廟不敷棲止又於廟側築室五楹收養道路貧病無依之人及本地孤貧之不在額者歷年自十一月起至次年二月止捐置經費發商生息以期久遠迄今相承不廢自康熙八年修山海志後八十年未經編纂和梅乃徵文考獻詳加刪訂彙爲十四卷五閱月而書成城中鐘鼓樓東西南三城樓三水門暨海濱龍王廟天后宮皆重修石河舊設渡船二日久朽敗亦加修整公私稱便城北白雲山寺每年四月八

永平府志

卷五十二

名宦五

二十五

日四方進香者男女雜沓和梅出示嚴禁其風始息署西偏作小亭名曰釀春爲文以紀自寫其勤恤民隱之懷士民傳誦之

燕臣仁河南陝州進士乾隆二十一年由清豐縣調任遷安纂修邑志放通志爲目若干卽現存之舊志也夏文廣雲南恩安縣人舉人乾隆二十一年任昌黎知縣明決有爲勵精圖治興義塾以植菁莪培嘉禾而除稂莠雖涖任未久而口碑載道迄今士民追述有餘思焉

顧學潮字小韓江南元和人乾隆二十九年由附貢任

灤州廉明慈愛實政惠民於租種旗地民戶尤加體恤後擢本府知府

陳鍾深廣西臨桂人舉人乾隆三十二年二月任撫甯令以文章飾吏治出之裕如縣試必自定甲乙人服其公勸武科起家者新昭烈武成王廟與文廟並重後陞河南南汝光道

靳榮藩山西黎城進士乾隆三十四年任遷安三十七年復任省刑罰重風化以儒術飾吏治縣人董杜氏未嫁守節捐俸置腴田數畝以贍之名曰貞女田又爲邑孝子王留喜置腴田十餘畝名曰勸孝田至今

永平府志

卷五十二

名宦五

二十六

邑人德之博學工詩文註吳梅村集爲吳詩集覽行世所著有綠溪詩文集後官至大名府知府

師問忠字裕亭雲南趙州人乾隆辛酉亞元三十六年任石碑場大使公少孤業耕讀讀輒易忘愈勤憤懣懵如故因泣泣已復讀讀罷又泣如是者以爲常計無復之疏告神直陳苦况忽夜夢一人捉刀啟胸取其心洗之而去遂驚醒由是慧悟鄉焉後先以丙戌大挑借補晉甯分訓凡經其指授者皆掇巍科及司鹺務恤商惠竈善政良多其最著者則抗樂亭令某指場竈地作官荒招奸民認墾致上游稱強項場官

其曰天下事多被圓融壞卻卽會議時語也著有鳴鶴堂文稿北上集詩稿勸學錄鹽務紀要論文二十則洗心記共十餘卷

趙大經字春礪山東德州舉人乾隆三十七年任樂亭令材華發越壯遊京師名公鉅卿競禮致之與董文恪公紀文達公尤稱文字契木蘭之役扈 蹕諸公必邀與俱擬和 宸章據鞏援筆輒立就及其爲宰所至如慈父母赴樂亭任時在三河道中有句云拔茅人作藉桃菜婦承筐景物憐如此無端轉客腸愷惻之衷流露言表嗣由樂亭調武清解任後以官事羈留武邑邑人以薪水相餉遺歷八載不倦武邑舊有燈市以袁孺人正月十一日喪爲罷市時去官已六年矣

凌世卿浙江錢塘舉人乾隆四十三年任臨榆令禁暴安民不畏權貴守關副都統某怙勢淫縱一邑側目公參揭之去任

郭兆麒字麟佐山西陽城舉人乾隆四十六年任樂亭令才華卓越學問淹通聽訟之餘嘗招聚生童校文藝第甲乙坐儒學明倫堂與之講書暇時輒匹馬下鄉坐樹下與父老話桑麻晴雨事日暮則浩歌馬上

而還至今士庶尚有能道之者官至滄州知州所著有梅厓詩草

白萬程山東商河人舉人乾隆五十年八月任撫甯令戢盜安良閭閻不擾以紫荊山魁閣就圯文運不振令近村民立燈竿於閣之舊基丙午戊申兩科登賢書者十人公題先後騰輝匾於文昌正廳以紀其事孔繼炘聖裔也乾隆五十六年任永平守治尚甯靜有東海汲黯之風書法簡淡高古尤精篆隸人得其片楮隻字珍之如寸金拱璧焉

萬長信福建侯官人舉人乾隆五十七年任撫甯令泣

永平府志

卷五十二

名宦五

二十八

官十二載與民相習公事以柔道行之值川楚軍興兵差絡驛又蝗蝻數起履畝驅捕禾稼不大害書院絃誦寂然延閩孝廉趙承烈閱文士風由是振興黃珽字乙舟安徽桐城人援例入太學三試北闈選充四庫館謄錄考滿授縣丞借補吏目嘉慶三年由磁州來灤撫恤獄囚如家人子弟又捐修文廟文昌魁星諸閣性耽吟咏著有三州詩集行世

莫暮字次典廣東定安人由鄉薦選直隸安肅令調靜海卓薦擢知灤州所至明於斷獄民無遁情士風振興姦宄斂跡凡修文廟建書院築隄防賑荒歉及收

葬被水流民皆捐廉爲之歿後靜海灤州士民各請

祀名宦

廣東通志案選舉表暮係乾隆二十五年庚辰舉人

趙燦山東聊城舉人嘉慶八年任樂亭令爲政嚴明不畏強禦先是邑有豪黨任俠好交少年慆悍之徒爭趨如鶩名爲英雄會時又有險而健訟者羽翼其間往往挾官吏短長官吏莫敢誰何以故武斷成風從橫鄉曲幾至階亂公下車首先捕治大加創懲復得王百戶爲之助不數月宵小斂迹後其徒有改行爲善者嘗謂人曰趙公實生我也曩使無所忌憚久陷罪死矣趙公實生我也

永平府志

卷五十二

名宦五

二十九

楊灝字復葦順天昌平州舉人嘉慶八年任樂亭教諭學問淵雅書法造米顛之室得者寶之在任數年教士有方人謂不愧師道焉

吳士鴻字庚亭卽肇煌曾孫也嘉慶十一年由大城令任灤州甫入境卽訪求先人舊政有昔日兒童今父老斯時刺史舊公孫之句傳者以爲佳話公性慈仁而才練達大小獄無不立決戊辰秋灤河溢害稼公爲請賑減租大甦民困庚午復勸築汀流河閭芬溝等處子堰海陽書院向無經費公捐備膏火延師主講每大課詩文必親第其甲乙又纂州志修神祠皆

以實心爲實政去後士民猶追思之

黃河光福建永春舉人嘉慶十二年任樂亭令愛民重
士政簡刑清時有黃青天之目在樂嘗有詩云匹馬
渡沙灘村民不識官問君何處去日暮海風寒味此
則其急公務減騶從伉爽樂易之懷猶可想見

汪河字柳汀浙江秀水人由子牙河通判奉調來灤素
稱才吏幹練有爲下車後優禮師儒訪求風俗時前
任吳庚亭刺史纂修州志未竣公慨然捐俸以終其
事灤人兩美之

黃步青字歷九奉天甯海人由廩貢生考授盛京宗室

永平府志

卷五十二

名宦五

三十一

學教習職滿以知縣用嘉慶十三年借補灤州訓導
性豪邁議論慷慨科歲兩試一切規費概不較量寒
儉者復賙恤之課士之暇以詩酒自娛嘗題柱聯云
冷署當春暖閒官對酒忙

楊鯤

籍貫未詳

丁酉選拔癸卯舉人嘉慶年任臨榆有青天

之目葡萄窪有謀財害命者

客王姓賊周姓

客之犬鳴冤鯤

按其事置賊於法邑人比之包孝肅云

以上文秩舊志

王百齡字芝田陝西長安人嘉慶壬戌年進士嘉慶十
五年由庶常知臨榆下車卽剔奸釐弊課士校文邑
名士多出其門

張太復字春崑南皮拔貢生嘉慶二十年以知縣左遷
補遷安教諭博學工詩才絕等倫時遷安談藝者專
尚帖括之學公倡以古學一時從遊者如潘石湖馬
瑟臣馬退叔鄭棫林諸君皆文譽噪一時

顏樾字鐵如廣東連平舉人嘉慶二十二年任灤州牧
二十四年署遷安篆敏果有爲所至頌聲載道書法
遒健名重一時灤人至今猶寶惜之

祝慶穀河南固始人監生嘉慶二十二年署樂邑篆公
正廉明訟無留滯期年而民大服於其去也土民數
千人送於東門外相與泣下沾巾公亦揮淚失聲而

永平府志

卷五十二

名宦五

三十一

別

沈愷厚浙江歸安人監生嘉慶二十四年任撫甯知縣
遇事明決強幹有爲以橋工餘木置桌凳於書院童
試便之

黃克昌江蘇武進人嘉慶二十五年牧灤州精明強幹
案無留牘邑南巖山巔舊有文峯壇一座被前任朱
某拆毀公甫抵任卽謂此壇主一邑文風非重修則
文風不振乃捐俸勸募士民踊躍趨公剋日告成從
此登科甲者踵相接公三泣灤任一時輿誦有黃父
再來天有眼之語民情愛戴概可想見

李法勤號桂岩高陽縣舉人文勤公五世孫也幼承家學博極羣書而精力一歸於經義嘉慶閒秉鐸於遷兼主安昌書院講席一時知名之士咸從之遊口講指畫昕夕罔倦論文以大雅爲宗平奇濃淡隨人所能而曲成之無削趾無膠柱去官後人咸思之著有洗心齋文稿行世

李德字吉人陝西華陰縣人進士道光三年知撫甯縣整躬率物執法不撓嚴絕苞苴剔除衙蠹邑有巨姦滑匪密偵姓名急捕之盜無隱跡一境肅然重修雲從書院頒立規條增置膏火提獎後學孜孜不倦士

永平府志

卷五十二

名宦五

三十一

類咸有成就乙酉飛蝗入境設法驅捕請開海禁轉遼東粟以濟民食至今賴之咸豐初巡撫山東督師出境是時各路統兵距賊營數百里而公獨捲甲深入直逼賊營與當事議不合爲其中傷以憂憤卒撫之士民讀公之遺文述公之遺愛未嘗不唏噓泣下當其去撫邑也同官祖餞於郊百姓攀轅遮道猶恐不及方諸古循吏可以無愧色矣

朱性堂字石渠江南上元人進士以道光五年來署樂篆廉明慈惠愜懌無華丙戌秋 朝廷徵東兵討逆回張格爾邑當協辦兵差羽檄初至邑人震恐公從

容措置事辦而民不擾是冬逢大計竟以案情延緩
停補三年其去也敝車羸馬行李蕭然與寒士無異
張霖字雲巖浙江嘉興人拔貢道光六年任樂亭善書
法尤好獎掖後進每逢科歲試招童子校文藝日端
坐堂皇薄晚收卷之時堂上下擁立數重撫背摩肩
者擠牀案軋軋有聲公一無呵斥笑容可掬遇有文
理通順而字跡工整者必嘖嘖稱歎不已以是人多
勸勵樂邑字學之盛自公始公爲人長者平居每爲
吏役所給然居心坦白無私不名一錢故爲政雖迂
疏人咸諒之

喜祿字怡山滿洲正黃旗人江甯駐防進士道光九年
二月任撫甯令坦懷率直案無留牘以公事至鄉必
減騶從自乘一騎署中奴隸皆用衰老者乙丑
聖駕東巡供億繁瑣而能預辦卒以京控案任致累嘗題
堂聯云願皆爲良善民無干國法誓不作貪酷吏有
負生平蓋紀實也陞灤州知州

阮常生號小芸揚州儀徵人大學士阮元子由廕生供
職部曹道光十年授永平知府清慎廉勤以除黷安
良振興文教爲首務時郡城敬勝書院廢弛已久下
車卽親臨其地相度經營捐廉倡修增置膏火立規

條十八則刊石垂遠每月官課一齋課五俱自備獎
賞官課之期赴院點名收卷蒞事方出口講指畫訓
誨諄諄永郡文風以此中興武廟有義學二所一律
整頓每月察其勤惰獎以筆墨城西舊有灤漆官渡
行人每爲黃頭所苦甚有暮不得渡而露宿河干者
公聞之嚴加申飭給新瓦一片上畫印押俾置船頭
牌示舟子如蹈前弊許行人碎瓦日加偵探見瓦破
卽械項以示罰又恐偵者積久怠玩乃仿東坡調水
符法每渡汾置二籌朝暮更易以爲往來之信舟人
悚惕行人稱便永平旗民雜處訟獄繁多案有數十

永平府志

卷五十二

名宦五

三十四

年不結者公親自剖決不數月積牘以清放告之期
日坐堂皇隨到隨訊民無稽留亦無拖累至於嚴盜
賊懲健訟恤瑯黎皆有實惠及人十三年擢清河道
旋署按察使丁內艱卒前此留意書院勤於課士者
有祝公慶承敬勝書院有碑可攷嗣此則有朱小雲史鑾坡二

太守朱名王林浙江人史名珮瑯湖北人

此傳據都察院批駁

請祀名宦公稟祝朱史三公亦加意造士者政蹟無考故附於此

蕭德宣字秉哲別號春田湖北漢陽人進士道光十三
年補臨榆爲政以勸農課士爲要捐廉修先農壇扶
犁時集老農與語民與官益親每行部所至必召鄉

耆問以風俗及土物之宜是年夏大旱公虔禱於城隍弗雨因竭誠步上角山之巔取水於龍井下山時陰雲密布甫入城而雨降書院久廢公於署東偏倡建東溟書院課士其文皆自閱親爲講授邑之登科者踵相接諸生有涉訟者則於課日令至院作文文不佳而訟又不直者從重戒飭若文佳而訟不直則戒飭之餘又剴切勸導而造就之於是自愛者皆以訟爲恥十五年調任威縣去之日邑人如失慈母祖帳於西郊者迤邐二十餘里咸爲墮淚歷任東光升天津海防同知以疾告歸卒於家著有蟲鳥吟詩集漢陽人傳爲佳話

其家居也適粵逆竄漢郡公避亂於黃坡山中賊取公萬民衣繖令其黨披衣張蓋行呼於道曰看好官左喬林字瀛南河閒人進士道光十四年任灤州學正振興文教嘉惠士林書法奇崛如神龍夭矯莫測端倪詩筆綺麗著有海陽竹枝詞若干首

梅成棟字樹君號吟齋天津人舉人道光十七年秉永平鐸博極羣書愛才成癖體貌清癯翛然有出塵之表與慶雲崔曉林進士俱出張船山先生之門詩筆侷儻風流著有燕南二俊合彙行世

張夢蓉字人鏡山東觀城進士道光乙未以治最調任
遷安剔宿弊抑豪胥訟者至無三日留者常乘一青
驪馬行村野遇詞訟駐馬立決曲者服罪卽咄之去
不答也曰吾爲汝平其爭夜微服歷城郭奸慝無所
容丙申春檄治 御道役甫畢聞太夫人病單騎而
歸晨發燕郊暮至沙河驛凡三百七十里入城漏三
下太夫人歿臥苦柩側三日哭無絕聲公初至遷峻
風裁不妄接人旣數月乃進紳士謂之曰遷之最累
者徭不均均徭非旦夕可就緒姑緩之城東一水可
渠而溉也然民未吾信舉之不宜亟可亟者其書院
噢咻如恐不及遷民至今思之

許夢蘭字雲浦河南魯山縣人進士道光十八年由柏
鄉對調撫甯料理兵差措置裕如車騎傳餐泛應曲
當且案無留牘吏民皆不能欺尤加意文教書院一
月三課士親閱其文分別獎勵之十九年交卸回任
士民祖帳攀轅追隨十數里二十二年復蒞撫邑時
值沿海設防屯兵賴公鎮撫勸誠兵民相安又於海
濱要害處築礮臺三座並兵房火藥局飭東西河南

莊沿河植樹萬株以爲保障民心感戴建立生祠愛之知召棠萊柏云

李宗城字寶之江蘇吳縣人舉人道光二十五年攝撫篆一年積案咸理與諸生論文一本先民矩矱復捐俸以獎其優者先是口外民俗素悍公馭之以道靡不帖息羣頌曰風肅關陞

武澄清字秋瀛永年舉人道光二十六年任樂亭教諭月課諸生校文藝第其甲乙人皆悅服壬子成進士以知縣籤分河南去之日祖道東門者冠蓋相接爲從來學官所未有後補舞陽令軍功加陞州銜旋以

永平府志

卷五十二

名宦五

三十七

母老告歸

敖星煌字乾垣江西萍鄉縣人進士咸豐元年知撫甯縣減徭役以省苛繁行保甲以清盜賊坐照如神民不敢欺去之日士民數百人赴府乞留因格於例不果

滕開勳字紹周安徽婺源人咸豐元年任撫甯典史時當地方不靖與同城官紳勸辦團練地方賴以安謐同治元年邑令勸捐修城委開勳分段監修昕夕忘倦踰二年竟因事去宦囊如洗臨行賦詩留別邑人多傳誦之

淡春暉字曙軒陝西大荔人舉人咸豐元年任樂亭性嚴毅明敏理事尤勤嘗自謂曰吾爲官如塾師教讀然日有常課晨起批文閱卷早膳後升堂理訟薄晚入內侍老母談笑以博親歡如是以爲恆以故在任年餘事舉民安閭閻無擾惟以性剛梗不能隨時俯仰大吏嫉之調署大名帶勇剿匪大名平復調獻縣時當粵逆蹂躪之後安集尤難數年積勞成疾遂卒於保定同知官署

謝子澄字雲航四川新都舉人咸豐四年署盧龍公正廉明民情愛戴未二載調授天津縣知縣適髮逆至

永平府志

卷五十二

名宦五

三十八

楊柳青距城四十里公糾合義勇禦之連戰皆捷畿東不至蹂躪者皆公之力也後因援兵不至身受重傷投河死事聞 欽加布政司銜天津立專祠而盧龍亦設木主於南月城關帝廟中

瑞恆字雲卿鑲白旗滿洲人舉人咸豐十一年任臨榆知縣捐廉課士振興文教年旱祈雨輒應著有角山

靈異記

蔡志修號少川浙東之松陽人監生同治四年任樂亭性勤敏虛懷善受尤以緝盜禁博爲務聽訟之暇每改服微行訪民間善惡又或乘夜巡選不憚勞苦時

鄰境馬賊橫行乘閒而入公獲二人置之法宵小遂斂跡境內以安八年調署高陽上憲書積年巨寇姓名令其緝捕不數月獲劉黑毬等數人送省垣正法爵督曾文正公極稱賞之明年飭回原任侯陞未半載以疾卒

以上文
秩新增

朱運亨遼東中前所人武舉順治元年任山海副將管參將事時值國初供應軍需鎮撫百姓進剿流寇捐俸給引軍民賴之

郭之俊宣鎮人順治七年由武進士任衛守備慷慨有爲清正不苟時撫甯衛歸併山海公視之如一陞任

去民遮送不忍舍數年後解任偶至關門紳士商農奔走趨謁猶依依如初至云

永平府志

卷五十二

名宦五

三十九

張思誠號至隆遼陽人順治十三年任山永副將永平爲兩京要衝行旅絡繹盜有冒幹辦使臣公行劫掠者地方苦之履任初遇有劫盜每親率健丁窮追務獲盜漸斂迹又嚴禁剋扣兵餉軍士得沾實惠弁丁有生事者必執法懲之軍容嚴肅兵民相安調陞浙江溫台等處副總兵

王御春陝西人永年籍武進士順治十七年任山海衛守備誠愨有實政征緝不苛軍民以安

李廷柟字若梓陝西西安人順治閒由功廕爲山永副將初自一片石備禦陞山東沂州鎮遊擊征勦各塞叛寇所向克敵陞山西大同鎮參將時東粵負固調之隨征公首克凌江進抵信安卽授廣東肇慶府副將時封川開建諸處未靖奉將軍令代宣恩信不旬月傳檄悉定論功加左都督推陞茲任待僚屬氣度溫和時勤操閱以練技勇嚴禁借支以清剋扣雖幼歷疆場未工文墨然尊賢禮士饒有儒將風流

吳盡忠任縣人任山海都司順治初土寇猖獗擊敗之六年賊騎劫掠盡忠率眾追至邢家灣馬蹶爲賊所執不屈被害

永平府志

卷五十二

名宦五

四十

陳廷謨京衛人武進士康熙六年任山海衛守備歷事詳慎御下冲和明恕不繁百姓愛戴修山海關志張應標號正吾陝西崇信人康熙七年由將材任山永副將公初奉檄勦四川陳家坡巨寇劉二虎一戰奪賊老木吼窩巢二虎失勢雉經餘黨悉平又楚有大逆李來亨者久據茅麓山寨聲勢洶湧爲湖湘大害公與總統梁家琦會勦掘壕築隄割汛分守來亨突衝公汛夜遁公奮力截殺賊眾大敗敘勦蕩功加都督僉事推陞茲任公膽略過人智勇素著歷事精詳

持躬敬慎所屬大小官弁俱推誠以待和而有體有古良將風

喻三元字魁一江南徐州人康熙十二年任山永副將持已潔清治行果決初從征閩省敘功陞遊擊鎮守北樓隘口其地相鄰五臺向爲盜藪公防禦有方恩威並用萑苻斂迹山野肅清加都督同知陞授茲任簡練兵卒法令嚴明念芻餉爲三軍命脈嚴杜剋扣聞有盜警卽單騎叱馭務期必獲地方賴以安輯祁富哈滿洲人山海衛城守章京清廉有守常俸外絕無沾染又能約束卒伍撫恤士民關民享無事之福

永平府志

卷五十二

名宦五

四十一

者數載以疾卒官祀名宦

冀秉忠山西人入順天密雲籍由古北口提標左營行伍於嘉慶元年從軍川楚甘陝征剿教匪前後百七十餘戰斬獲無算生擒賊渠數名七年汗馬徧體傷痕以軍功擢升千總癸亥八年來灤任嚴戢卒伍訓練有方上憲以年壯技優保升守備

以上武職舊志

王世德天津人嘉慶初年任清河汛把總狀貌雄偉膽勇過人時邑有土棍糾聚成黨號爲英雄會勢將滋亂德與邑令趙燦協捕境內爲之肅清先是營弁無刑具偶遇博徒盜匪惟以繩繫之送縣究治而已至

是趙侯爲請於上許以方木尺筭人營弁之得用刑

自世德始

以上武職新增

